

活人書



漢書門			
一	二	九	六
七	二	二	七
冊	架	函	號

十七至廿二終

庫	文	閣	內
三	一	九	六
函	架	冊	號

內閣文庫	
書號	漢 12967
冊數	75 (26)
函號	301 59



大學東
校典藉
局之印

增注類證活人書卷第十七

增注類證活人書卷第十七

五味子湯

二十五

治傷寒喘促脉伏而厥

人參

一分

五味子

半兩

麥門冬

去心 壹分

杏仁

去皮尖 一分

橘皮

去白 壹分

右剉如麻豆大入生薑十片棗子三枚以水三大

白盞煎至一盞半去滓分二服

猴鼠糞湯

二十六

療傷寒病後男子陰易方

韭根

壹大把

猴鼠糞

拾肆枚

右二味以水二升煎取半升去滓再煎三沸温温

盡服必有粘汗出為効未汗再作服亦理諸般勞

復鼠屎兩頭尖者是也

竹皮湯 二十七 療交接勞復卵腫腹中絞痛欲絕

刮竹青皮 一升

右一味以水三升煮一升半絞去滓分服立愈

續添乾姜湯 出百問方 療婦人得温病雖差平復未

滿一百日不可與交合交合為陰易之病病必拘急

手足拳皆死丈夫病以傷婦人名為陽易速當療之

可差滿一百日不可療也宜令服此藥

乾薑 一分炮

右剉如麻豆大水二盞煎六分温服汗出得解止

手足伸遂愈

續添青竹茹湯 出百問方 婦人病未平復因有所動

致熱氣上衝曾手足拘急搖擗如中風狀方

括樓根 無黃根者二兩 青竹茹 刮半升淡竹者

右以水二升半煮取一升二合去滓温温作二三

服喫立有效

續添當歸白朮湯 出百問方 婦人未平復因有所動

小腹急痛腰膝疼四肢不任舉身無熱發者

白朮 一分 當歸 一分 桂枝 一分 炙

附子 一枚破分 生薑 半兩 甘草 一分 炙

芍藥 一分

人參 一分

黃耆 一分
蜜炙

右剉如麻豆大以水三升煮取一升半去滓通口服一湯盞食頃再服一湯盞溫服微汗便差

知母麻黃湯 二十八 傷寒差後或十數日或半月二十

日終不惺惺常昏沉似失精神言語錯謬又無寒熱

醫或作鬼祟或作風疾多般治不差或朝夕潮熱頰

赤或有寒熱似瘧都是發汗不盡餘毒在心胞絡之

間所致

知母 兩半

麻黃 去節

甘草 炙

芍藥

黃芩 各半兩

桂枝 去皮半兩
是時減分

右剉如麻豆大每服抄伍錢以水一盞半煎八分

去滓溫服半日可相次二三服溫服令微汗若心

煩不眠欲飲水當稍稍與之令胃中和即愈未汗

須再服之

驚甲散 三十九 傷寒八九日不差名曰壞傷寒不能治

者宜此療之

升麻

前胡 去蘆

烏梅 去核

枳實 麩炒去白

犀角 鎊

黃芩 各半兩

生地黄 切兩合

甘草 壹分炙

鱉甲 去裙米醋炙赤
黃枅碎用半兩

右剉如麻豆大每服抄五錢匕水一盞半煎至八

分去滓温服

人參順氣散 三十一 治傷寒頭疼增寒壯熱四肢疼痛

麻黃 去節秤壹兩半 乾葛 壹兩

白木 壹兩 甘草 壹兩炙

桔梗 去蘆壹兩 人參 壹兩

白姜 半兩炮 香白芷 壹兩

右搗羅為細末每服三錢水一大盞生姜三片葱

白二寸煎至八分通口服如要出汗連進二服

蒼朮散 三十二 治傷二日頭疼發熱憎寒身體疼痛

麻黃 壹兩湯洗過焙乾研 蒼朮 半兩米泔浸去皮切

石膏 壹兩煨 桔梗 半兩

甘草 半兩炙 山茵陳 半兩去梗

右為細末每服二錢水一盞煎至八分連服出汗

麻黃葛根湯 三十三 治傷寒一日至二日頭項及腰脊

拘急疼痛渾身煩熱惡寒

麻黃 用沸湯泡一二次焙乾研 芍藥 各叁兩

乾葛 四分 葱白 柒莖

豉 一合

右剉如麻豆大每服四錢水一盞半煎一中盞去

滓温服服了以厚衣蓋覆如人行四五里間再服

良久如未得汗出更煮葱粥少許熱投之取汗

敗毒散 三十三 治傷風溫疫風濕頭目昏眩四肢痛憎

寒壯熱項強目睛疼尋常風眩拘倦風痰皆服神効

羌活 洗去土 獨活 去蘆 前胡 去蘆

柴胡 去苗 芎藭 枳殼 麩炒去穰

白茯苓 去皮 桔梗 去蘆頭 人參 已上各壹兩

甘草 半兩炙

右件搗羅為末每服三錢入生姜二片水一盞煎七分或沸湯點亦可老人小兒亦宜日三二服以知為度瘴煙之地或溫疫時行或人多風痰或處

卑濕脚弱此藥不可闕也

獨活散 三十四 治傷風溫瘴等疾

羌活 去蘆頭 獨活 去蘆頭 人參

細辛 去灰土華陰者佳 白茯苓 去皮 枳殼 去心麩炒

防風 去蘆 黃芩 細堅者 麻黃 沸湯泡二

甘草 細剉炒赤 蔓荊子 甘菊花 已上各壹兩

石膏 水飛過貳兩

右十三味搗羅為末每服三錢水一盞生姜二片薄荷四五葉同煎至七分去滓微熱呷如年高者以川芎代黃芩

桂枝石膏湯三十五 治傷寒三日外與諸湯不差脉勢仍數邪氣猶在經絡未入臟腑者桂枝石膏湯此方可夏至後代桂枝證用若加麻黃去節半兩可代麻黃青龍湯用之也有汗脉緩為桂枝證無汗脉緊為麻黃青龍證

桂枝 半兩去皮 石膏 貳兩碎 黃芩 半兩

甘草 半兩 梔子 肆枚小者可用捌枚 白藥子

升麻 叁分 乾葛 叁分

右剉如麻豆大每服抄五錢匕生姜四片水一盞半煎取八分去滓食頃再服若得汗即停後服

梔子升麻湯三十六 治晚發傷寒三月至夏為晚發

梔子 拾枚切碎 升麻 壹兩半 生地黃 半斤切

柴胡 去蘆 石膏 各貳兩半

右剉如麻豆大每服抄五錢匕水一盞半煎至八分去滓頻服病不解更作若頭回赤去石膏用乾

葛二兩無地黃用豉代之

橘皮湯三十七 治傷暑痰逆惡寒

甘草 半兩 人參 壹分 陳橘皮 去白

右為粗末每服五錢用青新季竹輕輕刮上面青如一團姜四片棗一枚水一盞半煎至八分去滓

熱服如不惡寒即宜竹葉湯

解肌湯百十八治傷寒溫病天行頭痛壯熱

葛根 壹兩 黃芩 半兩 芍藥 半兩

甘草 壹分炙 桂心 壹分 麻黃 壹分去節湯泡

右六味剉如麻豆大每服抄五錢匕水一盞半棗子一枚煮取八分去滓日三服三四日不解脈浮者宜重服發汗脈沉實者宜下之

小柴胡加桂湯百十九治瘧疾先寒後熱兼治支結

柴胡 捌兩 人參 甘草炙

半夏 湯浸七次切 黃芩 桂去皮已上各

右剉如麻豆大每服抄五錢匕水一盞半生姜七片棗二枚煎至八分去滓取六分清汁溫服日三夜二若渴者去半夏加人參栝樓根同煎服之

白虎加桂湯百十治瘧疾但熱不寒者

知母 六兩 甘草 炙二兩 石膏 一斤

粳米 二合 桂去皮秤

右剉如麻豆大每服五錢水一盞半煎八分去滓服柴胡桂姜湯百十一治寒多微有熱或但寒不熱亦治

勞瘡之證

柴胡 四兩 黃芩 一兩半 桂枝 一兩半去皮

栝樓根 二兩 牡蠣 杵碎炒 甘草 炙

乾姜 各二兩

右七味剉如麻豆大每服抄五錢水一盞半煎至一盞去滓溫服初服微煩汗出愈

瘡母煎四十三治久瘡不愈結為癥瘕寒熱

鱉甲 十二分炙 黃芩 三分 烏扇 三分燒存性用

柴胡 去苗陸兩 鼠婦 三分炒 乾姜 炮三分

大黃 三分 芍藥 伍分 肉桂 二分去皮

葶藶 二分炒 石葦 二分去毛 紫葳 三分

人參 一分 厚朴 三分炙 牡丹皮 伍分

瞿麥 二分 蠱虫 五分炒 阿膠 炙

蜂巢 各四分炒 朴硝 十二分 蜣螂 陸分炙

半夏 湯洗一分 桃仁 二分去皮尖

右搗羅為末銀竈下灰一斗清酒一斗五升浸灰候酒盡一半着鱉甲於中煮令泛爛如膠漆絞取汁內諸藥煎為丸如梧桐子大空心服七丸日三服有一方無鼠婦朴硝加海藻三分大戟一分

扶邪丸四十三治瘧疾脉浮大寒熱往來用此吐之衛州書云瘧寒多熱少者痰多也然寒多熱少而脉浮則痰無疑矣可吐之也若脉遲微者惡寒瘧耳宜用

柴胡桂姜湯

恒山

甘草 炙

大黃

知母 各二兩

麻黃

四兩去節湯泡一二沸焙乾秤用

右搗羅為末煉蜜為丸如梧桐子大每服十五丸面向東清淨水吞下

猪膽雞子湯

四十四

治傷寒五六日斑出者

猪膽 三合

雞子 一枚

苦酒 三合

右三味和合煎三沸強人盡服羸人煎六七沸服汗出即差

姜蕤湯

四十五

治風濕蕤療冬溫及春月中風傷寒

熱頭眩痛喉咽乾舌強胃內疼痞滿腰背強

姜蕤 參分

石膏

壹兩杵碎

白薇

半兩

麻黃

半兩湯泡焙乾秤

川芎

半兩

葛根

半兩生者可

大羌活

去蘆半兩

甘草

炙半兩

杏仁

去皮尖雙仁者隨碎半兩

青木香

壹分冬壹兩始春用半兩炒

右剉如麻豆大每服五錢水盞半煎一盞日三四服

知母乾葛湯

四十六

治風濕身體灼熱甚者

知母

參錢

乾葛

捌錢

石膏

陸錢

甘草

貳錢炙

黃芩

貳錢

木香

貳錢

升麻

貳錢

姜蕤

五錢

天南星

貳錢生

人參 貳錢

防風 貳錢

麻黃 去節四錢
湯泡焙秤

杏仁 貳錢炒

川芎 貳錢

羌活 貳錢

右劉如麻豆大每服五錢水一盞半煎至一盞去滓服未知再服之

栝樓根湯 (四十七) 治風溫加渴甚者

栝樓根 參分

石膏 貳兩

人參 半兩

防風 半兩

甘草 半兩炙

葛根 壹兩半生用
乾者只參錢

右劉如麻豆大每服抄五錢匕用水一盞半煎至一中盞去滓溫服

漢防已湯 (四十八) 治風溫脈浮身重汗出者

漢防已 肆兩

甘草 貳兩炙

黃耆 貳兩蜜炙用

白朮 參兩

右劉如麻豆大每服五錢匕生姜四片大棗一枚水一盞半煎取一中盞去滓飲訖仍坐被中汗出如虫行或被卧取其汗

老君神明散 (四十九)

白朮 貳兩

桔梗 壹兩

附子 貳兩炮去黑皮用

烏頭 肆兩炮
去皮臍

真華陰細辛 壹兩

右五味搗粗篩縫絹囊盛帶之居閭里皆無病若有疫癘者溫酒服方寸匕覆取汗得吐即差若經

三四日抄三寸匕以水二碗煮令大沸分三服
務成子螢火丸五十主辟疾疫惡氣百鬼虎狼蛇虺
蜂蠆諸毒五兵白刃盜賊凶害皆辟之

螢火

鬼箭削取皮羽

蒺藜各壹兩

雄黃

雌黃

礬石各貳兩燒汁盪

殺羊角

鍛竈灰

鐵錘柄入鐵處燒焦各壹兩半

右九味搗篩為散以雞子黃并丹雄雞冠一具和
之如杏仁大作三角絹囊盛五九帶左臂仍更掛左
續添 聖散子方此藥性溫若陽證有熱不可輕服之

聖散子蘇內翰云昔嘗覽千金三建散方於病無所

不治而孫思邈特為著論以謂此方用藥節度不近
人情至於救急其驗特異乃知神物効靈不拘常制
至理開感智不能知今予所謂聖散子者殆此類也
自古論病惟傷寒為至危急表裡虛實日數證候應
汗下之類差之毫釐輒至不救若時毒流行用聖散
子者一切不問陰陽之感連服取差不可與傷寒比
也若疾疫之行平旦輒煮一釜不問老幼良賤各一
大盞卽時不入其間平居無病能空腹一服則飲食
快美百病不生濟世衛家之寶也其方不知其所從
出而故人巢君世寶之以治溫疫百不失一予既得

之謫居黃州連年大疫所全活者不可勝數巢君初甚惜此方指江水為盟約不傳人余切隘之以傳斷水道人龐安常龐以醫聞於世又善著書故以授之且使巢君之名與此方聞不朽東坡居士序

草豆蔻

掛枚去皮麵裹炮

木猪苓

去皮

石菖蒲

茯苓

高良姜

獨活

去蘆頭

附子

炮去皮臍

麻黃

去根節

厚朴

去皮姜汁炙

藁本

去沙土

芍藥

枳殼

去根麩炒

柴胡

去蘆頭

澤瀉

細辛

華陰者

防風

去蘆頭

白朮

藿香

半夏

姜製各半兩

甘草

壹兩

右剉如麻豆大每服五錢水一盞半煮取八分去滓熱服餘滓兩服合為一服重煎空心服之

調中湯

〔臣〕

治夏月初秋忽有暴寒折於盛熱熱結

於四肢則壯熱頭痛寒傷於胃則下利或血或水或赤壯熱迷悶脉數宜下之

大黃

去皮參分

葛根

黃芩

芍藥

桔梗

去蘆

藁本

真者無則以芍代之

茯苓

去皮

白朮

甘草

炙已上各半兩

右剉如麻豆大每服五錢水一盞半煮取一中盞

移時再服之得快利壯熱便歇小兒輩減與服之
 凡秋夏旱熱積日或有暴寒折之熱無可散喜搏
 着肌中作壯熱氣也胃為六腑之表最易為暴寒
 傷之而下也虛冷人亦不壯熱但下利或霍亂也
 不宜服此少實人可服五石人喜壯熱適與藥斷
 下則加熱喜悶而死矣亦不止便作痺熱毒壯熱
 甚不歇則劇是以宜調中湯下和其胃氣也調中
 湯去大黃即治風溫證兼治陽病因下遂協熱利
 不止及傷寒不因下自利表不解而脉浮數者皆
 可去大黃煎之殊驗也

射干湯

五十三

治初秋夏月暴雨冷及天行暴寒其熱
 喜伏於內欬嗽曲折不可得氣息喑啞失聲乾嗽無
 唾喉中如哽

射干

貳兩

半夏

伍兩洗

杏仁

參兩去皮尖雙仁炒

生姜

肆兩炮

甘草

貳兩炙

紫苑

貳兩

肉桂

貳兩

枳實

貳兩炙

當歸

貳兩

橘皮

貳兩

獨活

貳兩

麻黃

貳兩去節湯泡焙

右剉如麻豆大每服五錢匕水一盞半煎至八分
 去滓溫服

半夏桂枝甘草湯

五十三

治伏氣之病謂非時有暴寒

中人伏氣於少陰經始不覺病旬月乃發脉便微弱
法先咽痛似傷寒非咽痺之病次必下利始用半夏
桂枝甘草湯主之次四逆散主之此病只二日便差
古方謂之腎傷寒也

甘草炙

半夏湯洗

桂心

右等分剉如麻豆大每服四錢匕水一盞半煎至
七分放冷少少含細嚥之入生薑四片煎服
麻黃杏子薏苡甘草湯五十四病人一身盡疼發熱日
晡所劇者名風濕此病因傷於汗出當風或又傷取
冷所致之也

麻黃

去節秤湯
泡貳分

甘草

壹分炙

薏苡仁

半兩

杏仁

拾枚去皮尖炒

右剉如麻豆大每服四錢匕水一盞半煎至八分
去滓有微汗温服避風

防已黃耆湯

五十四

治風濕脉浮身重汗出惡風

防已

壹兩

甘草

半兩炙

白朮

叁分

黃耆

壹兩壹分去蘆

右剉如麻豆大每服抄五錢匕生姜四片大棗一
枚水一盞半煎至八分去滓温服良久再服喘者
加麻黃半兩胃中不和者加芍藥叁分氣上衝者

加桂枝參分下有陳寒者加細辛參分服後當如
虫行皮中從腰下如冰後坐被上又以一被繞腰
以下温令微汗差

杏仁湯

五十六

療風濕身體疼痛惡風微腫

桂心

貳兩

麻黃

壹兩去節湯泡焙

芍藥

壹兩

天門冬

壹兩去心

杏仁

貳拾伍枚去皮尖雙仁炒

右剉如麻豆大每服五錢匕生姜四片水一盞半
煎至八分去滓温服

小續命湯

五十七

治中風及脚氣痺弱不能轉側者又

兼治小兒慢驚風

附子

生剉去皮
臍伍錢

防風

壹兩半

芍藥

白朮

人參

川芎

麻黃

去節湯泡
三次焙乾

防己

黃芩

桂枝

甘草

各壹兩

右剉如麻豆大每服五錢匕水一盞半煎至一盞
去滓取八分清汁入生姜汁再煎一二沸温服日
三夜二若柔痊自汗者去麻黃夏間及病有熱者
減桂枝一半冬及始春去黃芩

附木散

五十八

傷寒手足逆冷筋脉拘急汗出不止項

強直搖頭口噤

附子 壹兩炮

白朮 壹兩

川芎 叁錢

獨活 半兩

桂心 貳錢

右搗羅為末每服三錢水一中盞棗子二枚同煎至五分溫服

桂心白朮湯

五十九

治傷寒陰瘕手足厥冷筋脉拘急

汗出不止者

白朮

桂心

附子 炮去皮臍

防風 去芦頭

芎藭

甘草 炙微赤各壹兩五錢

右剉如麻豆大以水二盞藥五錢生姜四片棗三

一枚同煎至八分去滓溫服

附子防風散

六十一

治傷寒陰瘕閉目合面手足厥冷

筋脉拘急汗出不止者

白朮 壹兩

白茯苓 叁分

柴胡 壹兩半

五味子 壹兩

乾姜 叁分炮

甘草 叁分炙

附子 叁分炮裂去皮臍

桂心 半兩

防風 叁分去

右件藥搗篩粗散每服三錢以水一盞入生姜四片煎至六分去滓不計時候溫服

八物白朮散

六十二

治傷寒陰瘕三日不差手足厥冷

筋脉拘急汗不出恐陰氣肉傷

白朮 半兩

白茯苓 半兩

麻黃 半兩去節
炮三沸焙

五味子 半兩

桂心 叁分

高良姜 壹分

羌活 半兩

附子 叁分炮裂去皮脂

右件藥搗篩粗散每服四錢以水一大盞入生姜

四片煎至五分去滓不計時候溫服

柴胡半夏湯 (六十三)

治痰熱頭疼利膈除煩悶手足煩

熱榮衛不調肢節拘倦身體疼痛嗜卧少力飲食無

味兼治五飲消痰癖

柴胡 捌兩

人參 叁兩

半夏 貳兩半洗

甘草 叁兩炙

黃芩 叁兩

白朮 貳兩

麥門冬 叁兩去心

右判如麻豆大每服抄五錢匕水一盞半生姜五

片棗子一枚煎至八分去滓溫服

金沸草散 (六十三)

治傷寒中脘有痰令人壯熱頭痛項

筋緊急時發寒熱皆類傷風但不頭痛為異耳

前胡 叁兩

荆芥 肆兩

半夏 壹兩淨洗
姜汁浸

赤芍藥 貳兩

細辛 壹兩

甘草 壹兩炙

旋復花 叁兩

右件搗羅為末每服二錢水一盞生姜五片棗子
一枚同煎至六分去滓熱服未知再服

一效同煎至六合去滓煎服未服再服

古抄出羅為末每服二錢水一盞生薑正氣棗子

欬射芬 參兩

赤芍藥 兩

酸辛 壹兩

甘草 壹兩

前胡 兩

陳茶 兩

半夏 壹兩

兩藥息和發寒熱皆淡射風吐不醒為異耳

金棗草煎 兩 治寒中氣逆寒令人吐熱煎服

出棗子一效煎至八合去滓服

古性咳麻豆大每服炒正錢寸水一盞半生薑正

麥門冬 參兩

注類證活人書卷第十八

半夏湯 六十四 治痰飲及脾胃不和

半夏不拘多少如法湯洗了薄切乾焙每遇膈

間有寒痰用半夏白茯苓生薑各一分細切水二

盞半煎至一盞濾去滓臨睡溫呷如有熱痰加炙

甘草一分如脾胃不和去甘草入陳橘皮一分同煎

越婢湯 六十五 治風痺脚弱

石膏 肆兩

附子 壹兩

白朮 貳兩

甘草 壹兩

麻黃 湯

右件剉如麻豆大每服四錢以水一盞半生薑三

片棗子一枚煎至八分去滓服

脾約丸 六十六 治老人津液少大便澀及脚氣有風大

便結燥者

大黃 貳兩酒浸焙乾 厚朴 刮去皮用姜汁炙 枳殼 麩炒去穰

白芍藥 已上各半兩 麻子仁 壹兩半微炒 杏仁 去皮尖麩炒三分

右為細末煉蜜和杵千下丸如梧桐子大每服二十丸溫水下不拘時候未知加五九十九丸止下利

服糜粥將理

治溫疫時氣有積食者 六十七

巴豆 新好者壹兩經搗去皮以急流水約二椀浸一宿然後更煮三二十沸後冷漉出去

心膜以帛子拭去水然後研如膏用厚紙十數重裹以重物擗去油

五靈脂 貳分黑地者為上 杏仁 半兩燒過後研入藥行研

大戟 半兩生用去皮栗面如粉白者為妙 荆三稜 半兩生用

豆豉 貳兩須要新軟者為妙不得令曬乾與巴豆膏同研勻細

右三味為極細末方始入巴豆豉研勻後入杏

仁更研令勻細別入飛羅麵半匙以井花水調如

糊漸次拌藥搜和得所入臼中搗三二千下丸如

菘豆大曬乾入甕合內頻晒或微火焙亦得如遇

傷寒有食積者脉沉結身體不熱即下之量患人

臟腑虛實加減丸數服用煎姜棗湯吞下取微利

為度不可太過溘泄身熱下之則為痞氣結胃若病在上可吐者同生薑乾嚼三五丸

神功丸

治三焦氣壅心腹痞悶六腑風熱大便

不通津液內枯大腸乾澀裡急後重或下鮮血痰唾稠粘風氣下流腰疼脚重臍下脹痛溺赤如金

大黃

參兩

人參

參兩

麻子仁

五兩另研

胡麻子皮

炮取貳兩

右杵研為細末煉蜜為丸如梧桐子大每服二十丸溫水下日三服以通為度產後大便秘者每服十丸米飲下

五柔丸

六十九

治老人虛人脚氣亡津液虛秘大便結

調補三焦

大黃

肆兩

前胡

壹兩

半夏

洗七次

茯苓

酒浸

芍藥

茯苓

去皮

細辛

當歸

葶藶

炒各半兩

右搗羅為細末煉蜜為丸如梧桐子大溫水下二十丸以通利為度

大三腕散

七十

治三焦氣逆胃膈虛痞兩脇氣痛面

手浮腫大便秘澀兼治脚氣

獨活

壹兩

白朮

參分

甘草

參分微炙

乾木瓜 切焙乾 秤壹兩 紫蘇 壹兩 大腹皮 壹兩 黃用

陳橘皮 參分 沉香 壹兩 木香 參分

川芎 參分 檳榔 參分

右十一味同一處杵為粗散每劑秤一兩水二盞同煎至一盞去滓分二服帶溫服取便利為効如能臨晚常進半劑依法煎服即腹臍調和風氣人多秘滯數宜服之未通利者依法煎服此藥極不虛人氣經驗多矣脚氣心腹氣悶大便秘滯者良

檳榔散 七十二 治脚腫

橘葉 壹大握 沙木 壹握 小便 小盞

酒 半盞 同上藥煎

右煎數沸調檳榔末二錢食後服

薏苡仁酒法 七十二 治脚痺

薏苡仁 牛膝 各貳兩 海桐皮

五加皮 獨活 防風

杜仲 姜汁炙已 上各壹兩 白朮 半兩 枳殼 壹兩 炒

生乾地黄 貳兩半

右剉為籠末以生絹袋內無灰酒五升浸春夏秋冬二七日夏月盛熱分作數劑逐旋浸酒每日空心溫服一盞或半盞日三四服常令酒氣醺醺不絕

久服覺皮膚下如數百條虫行即風濕氣也

木瓜散 〔七十三〕 治脚氣

大腹皮 壹枚 紫蘇 壹分 乾木瓜 壹分

甘草 壹分炙 木香 壹分 羌活 壹分

右細剉為散分作三服每服用白水一盞煎至半盞去滓通口服

葱豉湯 〔七十四〕 治傷寒一二日頭項腰背痛惡寒脉緊

無汗者此湯主之

豆豉 二大合 葱白 十五莖

麻黃 四分去節 乾葛 八分

右件以水二升先煎麻黃六七沸掠去白沫乾葛

煎二十餘沸下豉煎取八大合去滓分二次溫服

如人行五六里服訖良久煮葱豉湯熱喫即取汗

連鬚葱白湯 〔七十五〕 治傷寒已發汗或未汗頭疼如破

生姜 貳兩 連鬚葱白 寸切半升

右以水二升煮一升去滓分作二三服服此湯不

差者服葛根葱白湯

葛根葱白湯 〔七十六〕 治頭疼不止

葛根 芍藥 知母 各半兩

葱白 一把 川芎 壹兩 生姜 壹兩

右剉如麻豆大水三升煎一升半去滓每服一湯盞

雄鼠屎湯 二十七 治勞復

梔子 拾肆枚 枳殼 三枚炒 雄鼠屎 二七枚

右為粗末每服四錢水一盞半入葱白二寸香豉

三十粒同煎一盞分作二服勿令病人知鼠屎

黃芩芍藥湯 七十八 治鼻衄

黃芩 叁分 芍藥 甘草 炙各半兩

右為粗末每服三錢水一盞煎至六分去滓溫服

酒蒸黃連丸 七十九 治暑毒伏深累取不差無藥可治

伏暑發渴者此方尤妙

黃連 肆兩以無灰好酒浸面上約一寸以重湯

右搗羅為細末糊為丸如梧桐子大滾水下三五

十丸胃膈涼不渴為驗

茅花湯 八十 治鼻衄不止

茅花一大把水三盞煎濃汁一盞分作二服即

差如無花以根代之

枳實理中丸 八十一 治傷寒結胃欲絕心膈高起手不

得近者宜此治之

茯苓 貳兩 人參 貳兩 枳實 十六片

白朮 貳兩 乾姜 貳兩炮 甘草 貳兩炒

右搗羅為細末煉蜜為丸如雞子黃大每服一丸
熱湯化下連進二三服胃中豁然渴者加栝樓根
二兩下利者加牡蠣二兩煨之

小半夏加茯苓湯〔八十二〕治諸嘔噦心下堅痞膈間有
水痰眩悸者

半夏任兩湯浸洗七遍 白茯苓參而去皮

右剉如麻豆大每服半兩水三盞煎至一盞秤生
姜四錢取自然汁投藥中更煎兩沸熱服不拘時

栝樓枳殼湯〔八十三〕治傷寒痞氣胃滿欲絕
栝樓 枳殼麩炒去穰各壹兩

右剉如麻豆大以水二盞煎至一盞去滓分二服

赤茯苓湯〔八十四〕治傷寒嘔噦心下滿胃膈間宿有停
水頭眩心悸

赤茯苓壹兩 芎藭半兩 半夏半兩湯洗七遍去滑

右件藥搗羅為粗末每服四錢水一盞半生姜五
片煎至七分去渣溫服不拘時候

香薷散〔八十五〕治陰陽不順清濁相干氣射中焦名為
霍亂此皆由飽食腥膾復啖乳酪海陸百品無所不
餐多飲寒漿眠卧冷席風冷之氣傷於脾胃諸食結

香薷散〔八十五〕治陰陽不順清濁相干氣射中焦名為
霍亂此皆由飽食腥膾復啖乳酪海陸百品無所不
餐多飲寒漿眠卧冷席風冷之氣傷於脾胃諸食結

而不消陰陽二氣壅而不反陽氣欲降陰氣欲升陰陽交錯變成吐利不已百脉昏亂榮衛俱虛令搏於筋令轉筋宜服此方

厚朴 去皮貳兩

香薷 穗壹兩半

黃連

貳兩二味入生姜四兩同杵炒令紫色用

一方有白扁豆尤良

右搗為粗末每服三錢水一盞酒半盞同煎至七分去滓用新汲水頻頻浸換令極冷頓服之藥冷則効速也仍煎服時不得犯鉄器慢火煎之兼治非時吐利霍亂腹中撮痛大渴煩躁四肢逆冷冷汗自出兩脚轉筋疼痛不可忍者須井中沉令極

冷頓服之乃有神効

犀角地黄湯

八十六

治傷寒及温病應發汗而不發汗

內有瘀血鼻衄吐血面黃大便黑此方主消化瘀血兼治瘡疹出得太盛以此解之

芍藥 參分

生地黄 半斤

牡丹皮

去心壹兩

犀角

壹兩屑如無以升麻代之

右剉如麻豆大每服五錢匕水一盞半煎取一盞有熱如狂者加黃芩二兩其人脉大來遲腹不滿自言滿者為無熱更不用黃芩也

黃連解毒湯

八十七

治時疾三日已汗解或因飲酒復

劇苦煩悶乾嘔口燥呻吟錯語不得卧

黃連 參分

黃蘗 半兩

黃芩 壹兩

梔子 肆枚 劈

右劉如麻豆大每服五錢水一盞半煎取一湯盞去滓服未知再服進粥以此漸差外臺云凡大熱盛煩嘔呻吟錯語不得眠皆傳此方諸人用之亦効此直解熱毒除酷熱不必飲酒劇者

酸棗湯 八十八

治傷寒吐下後心煩乏氣晝夜不眠

酸棗仁 肆升

甘草 壹兩 炙

知母 貳兩

茯苓 參兩 去皮

川芎 參兩

乾姜 參兩

麥門冬 壹升 去心

右為粗末每服四錢水一盞煎至七分去滓温服

梔子烏梅湯 八十九

治傷寒後虛煩不得眠心中懊憹

梔子 半兩

黃芩 半兩

甘草 半兩 炙 微赤

柴胡 壹兩

烏梅肉 拾肆枚 微炒用

右為粗末每服四錢水一盞半生姜三片竹葉十四片豉五十粒煎至七分去滓温服

橘皮乾姜湯 九十

治噦

橘皮

通草

乾姜 炮

桂心 各貳兩

人參 壹兩

甘草 炙 貳兩

類書卷之八

右製如麻豆大每服四錢水一盞煎至六分去滓
溫服日進三服

羌活附子散(九十二)治欬逆

羌活

附子炮

茴香

微炒各半兩

木香

乾姜

炮各火棗許大

右為細末每服二錢水一盞鹽一捻同煎一二十

沸帶熱服一服即止

半夏生姜湯(九十三)治噦欲死

生姜

貳兩切

半夏

洗一兩一分

右以水二盞煎至八分去粗分二服

黑膏(九十三)

療溫毒發斑

好豉

壹升

生地黄

半斤切

右二味以猪膏二觔合露之前令三分減一絞去

滓用雄黃射香如大豆者內中攪和盡服之毒便

從皮中出則愈忌蕪荑

葛根橘皮湯(九十四)

療冬溫未即病至春被積寒所折

不得發至夏得熱其寒解冬溫始發肌中斑爛癢疹

如錦紋而欬心悶但嘔吐青汁服此湯即靜

葛根

橘皮

杏仁

去皮尖研

知母

黃芩

麻黃

去節湯泡

類書卷之八

卷之八

十

甘草 炙各半兩

右剉如麻豆大每服五錢以水一大盞半煎至一中盞去滓溫服

玄參升麻湯九十五 治傷寒發汗吐下後毒氣不散表

虛裏實熱發於外故身斑如錦紋甚則煩躁譫語兼

治喉閉腫痛

玄參

升麻

甘草 炙各半兩

右剉如麻豆大每服抄五錢匕以水一盞半煎至七分去滓服

大青四物湯九十六 治傷寒熱病十日已上發汗及吐

利後熱不除身上斑出者

大青 肆兩

豆豉 搗合

阿膠 壹兩炙

甘草 壹兩炙

右剉如麻豆大每服抄五錢匕以水一盞半煎至一盞旋入膠再煎令烊

知母桂心湯九十七 治傷寒後不差朝夕有熱如瘧狀

知母 壹兩

麻黃 壹兩去節 甘草 壹兩炙

芍藥 壹兩

黃芩 壹兩

桂心 壹兩

右剉如麻豆大每服四錢水一盞半生姜四片煎一盞去滓取八分清汁溫熱服日三溫覆令微汗

若心煩不眠其人欲飲水當稍與之令胃中和則愈

三黃丸 五十八 治吐血黃疸

黃連 叁兩 大黃 壹兩 黃芩 貳兩

右搗羅為細末煉蜜為丸如梧桐子大每服十五

丸滾白湯送下

桔梗半夏湯 五十九 治傷寒冷熱不和心腹痞滿時發

疼痛順陰陽消痞滿

桔梗 壹兩微炒細切 半夏 壹兩姜汁製

枳實 半兩熱炒赤用 陳橘皮 湯浸去穢焙乾

為末每服四錢水一鐘姜三片煎七分去滓熱服

三黃熟艾湯 六十 治傷寒四五日而大下熱利時作

白通湯諸藥多不得止宜服此湯除熱止利

黃芩 黃連 熟艾 半雞子大

黃蘗 叁分 右剉如麻豆大以水二大盞煎至七分去滓溫服

薤白湯 六十一 傷寒下利如爛肉汁赤滯下伏氣腹痛

諸熱毒悉皆治之

鼓 半斤綿裹 薤白 壹把 梔子 七枚大者

右剉如麻豆大以水二升半先煎梔子十沸下薤

白煎至二升許下鼓煎取一升二合去滓每服一湯盞

赤石脂丸 百三 傷寒熱利

黃連

當歸 各貳兩

赤石脂

乾姜 炮各壹兩

右搗羅為末煉蜜為丸如梧桐子大每服三十丸米飲吞下日三服進之

地榆散 百三 治傷寒熱毒不解日晚即壯熱腹痛便

痢膿血並宜治之

地榆 壹兩切

犀角屑 壹兩

黃連 壹兩去須微炒

茜根 壹兩

黃芩 壹兩

梔子仁 半兩

右件藥搗為粗末每服四錢以水一盞入薤白五

寸煎至六分去滓不計時候溫服

黃連阿膠湯 百四 治傷寒熱毒入胃下利膿血

梔子仁 半兩

黃蘗 壹兩微炙切

黃連 貳兩去鬚微炒

阿膠 壹兩切碎炒令黃

右件藥搗為粗末每服四錢用水一盞煎至七分去滓不拘時候溫服

桃仁湯 百五 治蟻 女力切蟲食病

梔子 碎壹兩

艾葉 壹兩

大棗 拾伍枚去核

桃仁 壹兩去皮尖雙仁炒

右以水二大盞半煎至一盞半分三服

黃連犀角湯 〔百六〕 治傷寒及諸病之後內有瘡出下部者

黃連 半兩

烏梅 七箇

木香 壹分

犀角 壹兩如無以升麻代用之

右以水二大盞半煎至一盞半分

雄黃鉉散 〔百七〕 治下部匿瘡

雄黃 研

青相子

苦參

黃連

桃仁 去皮尖研一分

右為散以生艾搗汁和如棗子核大綿裹內下部扁竹汁更佳冬間無艾只用散綿裹內下部亦得
百合知母湯 〔百八〕 治百合病發汗後者

百合 七枚

知母 三兩切

右先以水洗百合漬一宿當白沫出去其水更以泉水二升煎取一升去滓別以泉水二升煎知母每取一升去滓後合和煎取一升五合分溫再服

滑石代赭湯 〔百九〕 治百合病下之後者

百合 七枚

滑石 三分碎

代赭 如彈丸大一枚綿裹

右先以水洗百合漬一宿當白沫出去其水更以泉水二升煎取一升去滓別以泉水二升煎滑石代赭取一升去滓後合和重煎取一升五合分溫服

雞子湯 〔百十〕 治百合病吐之後

本草綱目卷之八
雞子黃 十枚
百合 七枚 擘

右先以水洗百合漬一宿當白沫出去其水更以泉水二升煎一升去滓內雞子黃攪勻煎五分溫服

百合洗方 〔百七〕 治百合病一月不解變成渴者
右以百合一升以水一斗漬之一宿以洗身洗已食煮餅勿以鹽豉也

百合地黄湯 〔百七〕 治百合病不經吐下發汗病形如初
百合 七枚 擘
生地黄 汁一升

右以水洗百合漬一宿當白沫出去其水更以泉水二升煎取一升去滓內地黃汁煎取一升五合

分溫再服中病勿更服大便當如漆

枯樓牡蠣散 〔百七〕 治百合病渴不差

枯樓根 牡蠣 熬等分

右搗羅為散飲服方寸七日進三服

滑石散 〔百七〕 治百合病變發寒熱

百合 壹兩 炙
滑石 三兩

右杵羅為散飲服方寸七日進三服當微利者止勿服之寒熱則除

治中湯 〔百十五〕 治脾胃傷冷物膈不快腹疼氣不和

人參 乾姜 炮 白朮

甘草 炙

陳橘皮 湯洗

青橘皮

右各等分為細末每服三錢水一中盞煎數沸熱服尋常入鹽點之

陽旦湯 百六 治中風傷寒脉浮發熱往來汗出惡風項強鼻鳴乾嘔

桂心

芍藥 已上各三兩

甘草

黃芩 各二兩

右剉如麻豆大每服五錢水一盞半棗子一枚生姜三片煎至一盞取八分清汁温服自汗者去桂心加附子一枚炮渴者去桂心加栝樓三兩利者

去芍藥桂加乾薑三兩心下悸者去芍藥加茯苓四兩虛勞裡急者正陽旦湯主之前煎時入膠飴為佳若脉浮緊無汗發熱者不可與也

白虎加蒼朮湯 百七

治濕温多汗

知母 六兩

甘草 炙二兩

石膏 壹斤

蒼朮 三兩

粳米 三兩

右剉如麻豆大每服五錢水一盞半煎至八九分去滓取六分清汁温服

七味葱白湯 百八

許仁則治傷寒或因起動勞復或因喫食稍多皆成此候若復甚者一如傷寒初有此

症宜服此湯

乾葛 切三合

新豉 半合 綿裹

葱白 連鬚者 切半升

生姜 切一合

麥門冬 去心

乾地黄 三兩

勞水 四升以杓洋之一 手過名曰勞水

右七味用勞水煎之三分減去滓分二服漸漸服取汗

增損四順湯 百五

治少陰下利手足冷無熱候者

甘草 二兩炙

人參 二兩

龍骨 二兩

黃連

乾姜 炙一兩

附子 一枚炮 去皮臍

為細末每服三錢水一盞煎七分日二服不差復作甚良若下利腹痛加當歸二兩嘔者加橘皮一兩

化班湯 百三

人參 半兩

石膏 半兩

菱蕤

知母

甘草 各壹分

右剉如麻豆大每服抄五錢匕水一盞半入糯米一合煎至八分取米熟為度去滓溫服

官局桔梗湯 百三 治乾嘔

桔梗

半夏

陳橘皮 各壹兩

枳實 半兩

為粗末每服三錢水一盞生姜五片煎七分服之

麻黃加朮湯 百三 治中濕

麻黃 壹兩半去節湯泡 甘草 半兩炙 桂枝 壹兩去皮

蒼木 半兩 杏仁 三十五枚去皮尖

右剉麻豆大每服五錢水一盞半煎八分溫服

竹皮大丸 治虛煩

生竹茹 二分 石膏 三分 桂心 一分

甘草 二分炙 白薇 一分

右為細末棗肉丸彈子大米飲服一丸日三夜一
有熱者倍白薇煩喘者加枳實一分

古今錄驗橘皮湯 治春冬傷寒秋夏冷濕欬嗽
喉中鳴聲上氣不得下頭痛方

陳橘皮 紫苑 麻黃 去節湯泡

杏仁 去皮尖 當歸 桂心

甘草 炙 黃芩 各半兩

右剉如麻豆大每服抄五錢匕用水一盞半煎至
一盞去滓服

黃連橘皮湯 治溫毒發斑

黃連 肆兩去毛 陳橘皮 去白 杏仁 去皮尖

枳實 炙 麻黃 去節湯泡 葛根 各貳兩

厚朴 姜汁製 甘草 各壹兩炙

右剉如麻豆大每服抄五錢匕用水一小盞半煎

增注類證活人書卷第十九

至一盞去滓服下利當先止

麥門冬湯 治勞氣欲絕

麥門冬 壹兩去心 甘草 炙二兩

右剉如麻豆大先用水二小盞入粳米半合煎令米熟去米約得水一小盞半入藥五錢棗二枚竹葉十五片同煎至一盞去滓溫服不能服者綿滴口中

秣陵吳鳴鳳重校

刺繭丸 治寒熱方 麻黃 去心

增注類證活人書卷第十九

此一卷論婦人傷寒古人治病先論其所主男子調其氣婦人調其血血室不畜則二氣和諧血室凝結水火相刑傷寒氣口緊盛即宜下人迎緊盛即宜汗婦人左關浮緊不可下當發其汗以救其血室榮衛得和津液自通浹然汗出而解仲景云婦人傷寒經水適斷晝日明了暮則讖語如見鬼狀比為熱入血室無犯胃氣及上二焦無犯胃氣者言不可下也小柴胡湯主之若行湯遲則熱入胃冷津燥中焦上焦不榮成血結胃狀須當針期

增注類證活人書卷第十九

門也五行相尅以生相扶以出平居之日水常養於木水木相生則榮養血室血室不畜脾無蘊積脾無蘊積則剛燥不生剛燥既生若犯胃氣則晝夜讖語喜忘小腹滿小便利屬抵當湯證也傷寒胃實譎語宜下之婦人熱入血室譎語者不可下耳雖然婦人傷寒與男子治法不同男子先調氣婦人先調血此大畧之詞耳要之脉緊無汗名傷寒脉緩有汗為傷風熱病脉洪大中暑脉細弱其證一也假如中暈用白虎胃實用承氣豈必調血而後行湯耶仲景傷寒論所以不分婦人良亦以此學者皆可隨病於男子藥

證中以意選用也

若妊婦傷寒藥性須涼慎不可行桂枝半夏桃仁等藥小柴胡

去半夏名黃龍湯蓋為妊婦而去也大抵產前不安胎產後先補益次服傷寒藥若病稍退則止藥不可盡劑此為大法黃帝問婦人重身毒之何如岐伯曰有故無殞亦無殞也大積大聚其可犯也衰其大半而止過者死

婦人傷寒藥方

男子婦人傷寒仲景治法別無異議比見民間有婦人傷寒方書稱仲景所撰而王叔和為之序以法考之間有可取疑非古方也特假聖人之名以信其說於天下今取金匱玉函治婦人傷寒與俗方中可採者列為一卷雖不足以盡婦人傷寒之

詳並可於百問中參用也

婦人傷寒發熱經水適來晝日明了暮則讖語如見鬼狀者此為熱入血室無犯胃氣及上二焦宜小柴胡湯

方見第十卷中

婦人傷風七八日續得寒熱發作有時經水適斷此為熱入血室其血必結故使如瘧狀宜以小柴胡湯服之

方見第十卷中

婦人傷寒發熱惡寒經水適來得七八日熱除脈遲身涼和胃脇下滿如結胸狀讖語者此為熱入血室也當刺期門隨其實而取之

期門穴見第二卷中

婦人傷寒六七日胃中有燥屎大便難煩躁讖語日赤毒氣閉塞不得流通宜瀉心三黃湯

蜀大黃

鼠尾黃芩

雞爪黃連

各等分

右搗為粗末每服四錢水一盞煎八分去滓服取微利如目赤睛疼加白茯苓嫩竹葉瀉其餘之氣婦人傷寒發熱惡寒四支拘急口燥舌乾經脈凝滯不得往來宜桂枝紅花湯

桂心

芍藥

甘草

炙各二兩

紅花

二兩

右剉如麻豆大每服抄五錢匕以水一盞半生姜

四片棗二枚煎至七分去渣服良久再服汗出而解
黃芩芍藥湯治婦人傷寒口燥咽乾腹滿不思飲食

黃芩

白芍藥

白朮

乾地黄 各一兩

右剉如麻豆大每服抄五錢匕以水一盞煎至七分去滓溫服寒則加生姜同煎服

柴胡當歸湯治婦人傷寒喘急煩躁或戰而作寒陰陽俱虛不可下

柴胡

白朮

人參

甘草

當歸

赤芍藥 各一兩

五味子

木通

各半兩

右剉如麻豆大每服抄五錢匕以水一盞半生姜四片棗子二枚煎至七分去滓溫服

乾地黄湯治婦人傷寒差後猶有餘熱不去謂之遺熱

乾地黄

大黃

黃連

黃芩

柴胡

白芍藥

甘草

各一兩半炙

右搗為粗末每服抄四錢匕以水一盞半煎至七分去滓溫服取溘利汗出解

燒裨散治婦人傷寒未平復因交合裏急腹脹連腹內

痛名曰陰陽易

男子棍襠燒灰

右一味以水和服方寸匕男子用婦人棍燒灰小便利陰頭腫即愈

青竹茹湯婦人病未平復因有所動致執氣上衝曾手足拘急搖擗如中風狀

括樓根

無黃根者二兩

青竹茹

刮半升淡竹者

右以水二升半煎取一升一合去滓作二三次服

當歸白朮湯婦人未平復因有所動小腹急痛腹中瘕四肢不任舉動無力執發者

白朮

壹分

當歸

壹分

桂枝

壹分去皮

附子

壹分生去皮八片

生姜

半兩

甘草

壹分炙

芍藥

壹分

人參

壹分

黃耆

壹分

右剉如麻豆大以水三升煎取一升半去滓通口服一湯盞食頃再服溫覆微汗差

妊婦傷寒藥方

妊婦傷寒仲景無治法用藥宜有避忌不可與尋常婦人一槩治之也

加減四物湯妊婦產前腹痛及治月事或多或少或前或後胎氣不安產後血塊不散或亡血過多或惡

露不下宜此服之

當歸

切焙

川芎

熟乾地黄

白芍藥

各壹兩

右搗為粗末每服四錢水一盞半煎至八分取六分清汁帶熱服日二三以知為度若姪孕下血即入艾五七葉阿膠末一錢匕同煎服如前法疾勢甚大散藥不支以四味各半兩細剉以水四盞煎至二盞半去滓分四服熱喫食前服一日之中令盡以和為度平常產乳服至三臘止如虛弱血臟不調至一月止因虛致熱熱與血搏口舌乾渴欲

飲水加栝樓一兩麥門冬三分腹中刺痛惡物不下加當歸芍藥各一分血崩加地黃蒲黃各一兩因熱生風加川芎一分柴胡半兩身熱脉躁頭昏項強加柴胡黃芩各半兩秘澁加大黃半兩桃仁一分炒滑瀉加桂附各一分發寒熱加乾姜牡丹皮芍藥各一分嘔加白朮人參各半兩腹脹加厚朴枳實各一分虛煩不得眠加竹葉人參各一分躁大渴加知母石膏各半兩水停心下微此逆加猪苓茯苓防已各一分虛寒狀類傷寒加入參柴胡防風各三分

阿膠散 妊婦傷寒安胎

阿膠炒

桑寄生

吳白朮

人參

白茯苓

各等分

右為細末煎糯米飲調下二錢匕日進二服愈

白朮散 妊婦傷寒安胎

白朮

黃芩

各等分新瓦上並同炒香

右搗羅為末每服三錢匕水一中盞生姜三片大棗一枚拍破同煎至七分溫服但覺頭疼發熱便可服三二服即差唯四支厥冷陰證見者未可服

葱白湯 妊婦傷寒憎寒發熱當發其汗

葱白

拾莖

生薑

貳兩切

右剉如麻豆大以水二盞煎至一盞連服取汗

蘇木湯 妊婦傷寒或中時行洒淅作寒振慄而悸或加噦者

赤芍藥

陳橘皮

黃芩

宣黃連

甘草

蘇木

各一兩

右為粗末每服抄五錢匕以水一盞半煎至八分去滓溫服汗出差若胎不安兼服阿膠散

黃龍湯 妊婦寒熱頭疼嘔噦不欲飲食脇下痛嘔逆痰氣及產後傷風熱入胞宮寒熱如瘧并經水適來適斷病後勞復餘熱不解

柴胡 壹兩

黃芩

人參

甘草 炙各壹分半

右剉如麻豆大每服五錢水一盞半煎一盞去滓溫服
柴胡石膏湯 妊婦傷暑頭痛惡寒身熱躁悶四支疼
痛背項拘急唇口乾燥

柴胡 肆兩

甘草 貳兩

石膏 捌兩

右為粗末每服三錢水一盞生姜五片煎至六分
去滓溫服不拘時若氣虛體冷者加人參四兩
枳實散 妊婦傷寒四日至六日已來加心腹脹上氣
渴不止食飲不多腰疼體重者

枳實 壹兩炒

麥門冬 半兩

陳橘皮 叁分

右粗末每服三錢以水一中盞入生姜半分葱白
七寸煎至六分去滓溫服

旋覆花湯 妊婦傷寒頭目旋疼壯熱心躁

旋覆花 半兩

白朮 叁分

前胡 壹兩去片

黃芩 叁分

人參 叁分

麻黃 叁分去根

赤芍藥 半兩

石膏 壹兩

甘草 半兩炙

右搗為粗末每服四錢用水一盞半入生姜半分
煎至六分去滓服

麥門冬湯 妊婦傷寒壯熱嘔逆頭疼不思飲食胎氣

不安者宜此主之

人參 壹兩

石膏 壹兩

前胡 參分

黃芩 參分

葛根 半兩

麥門冬 半兩 去心

右剉如麻豆大每服五錢水一盞半入生姜四片棗子二枚淡竹茹一分煎至八分去滓溫服

梔子大青湯 治婦發斑變為黑色

升麻

梔子仁 各貳兩 大青

杏仁 去皮尖

黃芩 各壹兩半

右剉如麻豆大每服五錢匕以水一盞半細切葱白二寸煎至一盞去滓溫服

蘆根湯 千金 治婦頭痛壯熱心煩嘔吐不下食

知母 肆兩

青竹茹 參兩

右剉如麻豆大每服五錢水一小盞半入生蘆根一握粳米一撮煎至一盞去粗服盡更作差止

塗臍法 治姪娠遭時疾令子不落

取竈中黃土水和塗乾復塗之一方酒和塗方五寸又泔清和塗之並佳

葱白豉湯 治姪娠熱病

葱白 貳兩半

豉 半升

右以水三升煎取一升分二服取汗

葱白一物湯

葱白一把水一升煮令熟服之取汗食令盡亦主安胎若胎已死者須臾即胎出也

伏龍肝散

用伏龍肝雞子許水調服之伏龍肝即竈下黄土是也

葛根一物飲治熱煩悶

葛根汁每服一小盞如人行五里進一服無主葛用乾葛咬咀煎濃汁服

梔子五物湯廣濟療妊娠傷寒頭痛壯熱

梔子

前胡

知母各貳兩

黃芩壹兩

白石膏肆兩

右剉如麻豆大每服抄五錢匕用水一小盞半煎至一盞去滓服

前胡七物湯治妊娠傷寒頭痛支節痛壯熱

前胡

知母

梔子仁各貳兩

石膏肆兩

大青

黃芩各壹兩半

右剉如麻豆大每服五錢匕水一盞半入葱白三莖煎至一盞去滓溫服

升麻六物湯急救療妊娠七月傷寒壯熱赤斑變黑瀉血

升麻

梔子仁各貳兩

大青

杏仁 去皮尖 黃芩 各壹兩半

右剉如麻豆大每服五錢水一盞半入葱白三莖煎至一盞去滓溫服

產後藥左

陽旦湯治婦人產後傷風十數日不解頭微痛惡寒時時有熱心下堅乾嘔汗出宜用此湯方見第十卷中

療婦人產後血虛多汗喜中風身軀強直口噤背反

強作瘕治之法見第六卷第十三問中

又方用荆芥末三錢溫酒調下不過再服

治婦人產後亡津液大便多秘或謔言煩躁不可用

湯液宜神功丸用 不湯吞下

桂心牡蠣湯婦人產後頭疼身軀發熱寒治腹內拘急疼痛

桂心 三兩 牡蠣 煨 白芍藥

乾地黄 兩各五 黃芩 二兩

右剉如麻豆大每服抄五錢匕以水一盞半煎至一盞去滓溫服

蜀漆湯治婦人產後寒熱往來心胃煩滿骨節疼痛及頭疼壯熱日晡加甚又如瘧狀

蜀漆葉 二兩 黃芩 五兩 桂心

甘草 炙 黃芩 各一兩 知母

芍藥

各二兩

生地黄

壹斤

右劉如麻豆大每服抄五錢匕用水一盞半煎至一盞去滓温服

增損柴胡湯婦人產後虛羸發寒熱飲食少腸脹等疾

柴胡

叁錢

人參

甘草炙

半夏

湯泡

白芍藥

陳橘皮

川芎

各叁分

右劉如麻豆大每服抄五錢匕以水一大盞生姜三片棗子一枚煎至七分去滓食後温服日三服竹葉防風湯婦人產後傷風發熱面赤喘而頭疼者

竹葉

半把

葛根

壹兩半

防風

桔梗

桂枝

去皮

人參

甘草

炙各半兩

右為粗末每服四錢水一盞半生姜三片棗子一枚煎至八分去滓温服使汗出頸項強用附子炮去皮臍劉如豆大抄一大錢同煎嘔加半夏一錢三物黃芩湯治婦人草薶中傷風四支苦煩熱頭疼與小柴胡湯頭不疼但煩宜用此服之

黃芩

半兩

苦參

壹兩

乾地黄

貳兩

右劉如麻豆大每服四錢水一盞半煎八分服之

治婦人產後亡血汗多故令鬱冒其脈微弱不能食大便反堅但頭汗出所以然者血虛而厥厥而必冒冒家欲解必大汗出以血虛下厥孤陽上出故但頭汗出所以產婦喜汗出者亡陰血虛陽氣獨盛故當汗出陰陽乃復所以便堅者嘔不能食也宜小柴胡湯主之

乾薑柴胡湯治婦人傷寒經脈方來初斷寒熱如瘧狂言見鬼者

柴胡 肆兩去蘆 枳實 兩 桂枝 壹兩半
牡蠣 壹兩熬 乾姜 壹兩炮 甘草 炙壹兩

右剉如麻豆大每服五錢水一盞半煎至七分去滓溫服初服微煩再服汗出而愈

海蛤散治婦人傷寒血結胃膈揉而痛不可撫近

血結胃法當刺期門仲景無藥方治法此方疑非仲景然其言須有理姑存焉

海蛤 滑石

甘草 各壹兩炙 芒硝 半兩

右搗羅為散每服二錢雞子清調下小腸通利則胃膈血散膈中血聚則小腸壅小腸既壅膈中血不流行宜此方小便利血數行宜桂枝紅花湯發其汗則愈

其平則愈

不流者宜此式小兒既血竭者宜桂枝湯

曾亂血錯亂中血聚傾小兒驚心刺刺擊刺中血

本諸經為錯母氣二錢雙子當歸平小兒驚悸

甘草

各壹兩

芍藥

半兩

黃芩

散下

此藥大寒其性平景然其言然亦無誤也

此藥性平味甘入心寒血熱曾亂者而散不可無也

此藥性平味甘入心寒血熱曾亂者而散不可無也

本陰收者豆大每服五錢水一盞半煎至十分去

增注類證活人書卷第二十

此一卷論小兒傷寒小兒大人治法一般但小分

劑藥性差涼耳尋常風壅發熱鼻涕痰嗽煩渴惺

惺散主之咽喉不利痰實咳嗽鼠粘子湯主之頭

額身體溫熱大便黃赤腹中有熱四順散連翹飲

三黃丸主之頭額身體溫熱大便白而酸臭者胃

中有食積雙丸主之小兒無異疾唯飲食過度不

能自節心腹脹滿身熱頭痛此雙丸悉治之小兒

身體潮熱頭目碎痛心神煩躁小便赤大便秘此

熱劇也洗心散調胃承氣湯主之頭疼發熱而假

人惡寒者此傷寒證也升麻湯主之無汗者麻黃
黃芩湯有汗者升麻黃芩湯皆要藥也小兒尋常
不可過當服涼藥胃冷虫動其證與驚相類醫人
不能辨往往復進驚藥如腦射之類遂發吐胃虛
而成慢驚者多矣小兒須有熱證方可踈轉仍慎
用丸子藥利之當以_{大黃川芎等}咬咀作湯液以
蕩滌蘊熱蓋_{丸子巴豆}乃攻食積耳

洗心散 治遍身壯熱頭目碎痛背膊拘急大熱衝
上口苦唇焦夜卧舌乾咽喉腫痛涕唾稠粘痰壅喫
食不進心神躁熱眼澁睛疼傷寒鼻塞四支沉重語

聲不出百骨節痛大小便不利麩豆瘡時行溫疫
語多渴及小兒天弔風夜驚並宜服之

當歸 肆兩炒

芍藥 肆兩生用

甘草 肆兩炙

荆芥 肆兩

白朮 壹兩炒

麻黃 肆兩去節炒

大黃

肆兩以米泔水浸壹炊間漉出令乾慢炒取熟

右搗羅為細末每服抄二錢水一盞入姜一片薄
荷二葉同煎至八分放溫和滓服了仰卧仍去枕
少時如五臟壅實煎四五錢匕若要漉轉則熱服
惺惺散治小兒風熱及傷寒時氣瘡疥發熱

桔梗

細辛

人參

白朮

括樓根

甘草炙

白茯苓

川芎各等分

右搗羅為末每服二錢用水一盞生姜二片薄荷二葉同煎七分服三歲已下作四五服五歲已上分二服凡小兒發熱不問傷風風熱先與此散數服往往輒愈

四順散解大人小兒膈熱退壅盛涼心經

大黃蒸

甘草炙

當歸洗

芍藥

右各等分為細末每服二錢以水一盞薄荷二葉

煎至七分溫服小兒量歲數與之

麻黃黃芩湯小兒傷寒無汗頭疼發熱惡寒

麻黃

去節壹兩

黃芩

赤芍藥

各半兩

甘草炙

桂枝

去皮各壹分

右搗羅為細末每服二錢滾水調下日三服兼治天行熱氣生斑豆瘡不快益煩躁昏潰或出尚身疼熱者

升麻黃芩湯治小兒傷風有汗頭疼發熱惡寒

升麻

葛根

黃芩

芍藥

各叁錢

甘草

壹錢半炙

右剉如麻豆大每服二錢以水一中盞煎至六分去滓温服若時行瘡豆出不快煩躁不眠者加木香一錢五分

甘露飲子治胃中客熱口臭不思飲食或饑煩不欲食齒齦腫疼膿血舌口咽中有瘡赤眼目臉重不欲開瘡疹已發未發並宜服

熟乾地黄 生乾地黄 天門冬

麥門冬並去心焙 枇杷葉去毛 枳殼炒去穰

黃芩 石斛去苗 山茵陳

甘草炙各等分

右為細末每服二錢水一盞煎至六分去滓温服

食後臨卧

雙丸治小兒身熱頭痛飲食不消腹脹滿或心腹疼痛大小便不利或下重數起未差可再服小兒蒸候哺食減少氣息不快夜啼不眠是腹內不調並宜用此丸下之

甘遂半兩 朱砂壹錢另研 麥門冬貳兩半去心

麩核去仁易肆兩半 牡蠣貳兩煨 甘草壹兩壹分炙

巴豆陸拾枚去皮心膜研新布絞去油日中晒之白如霜者

右麥門冬甘草甘遂牡蠣四味為細末入巴豆朱

砂糖仁合和搗二千杵更入少蜜搗和極熟旋丸
半歲兒服如荏子大一雙一歲兒服如半麻子大
分為一雙服如二歲麻子大一枚分一雙三四歲
者服如麻子大二丸五六歲者服如大麻子大二
丸七八歲者如小豆大二丸十歲微大於小豆二
丸常以雞鳴時服如至日出時不下者熱粥飲服
數合投之即下藥丸皆變出也下利甚者濃煎冷
粥飲之便止

石膏麻桂湯治小兒傷寒未發熱咳嗽頭面赤

麻黃

壹兩去節湯泡

甘草

半兩炙

石膏

半兩

芍藥

半兩

桂心

壹分

黃芩

壹兩

杏仁

拾枚去皮尖

右七味為散每服二錢水一中盞入生姜二片煎
半盞去滓服兒若甚小以意增減之

連翹飲治小兒一切熱

連翹

防風

甘草

山梔子

各等分

右件搗羅為末每服二錢水一中煎七分溫服
麥門冬湯治少小未滿百日傷寒鼻衄身熱嘔逆

麥門冬

叁分去心

石膏

寒水石

類証治人書
甘草 各半兩 桂心 參錢半

右剉如麻豆大每服三錢水一盞煎七分温服
十物升麻湯治小兒傷寒變熱毒病身熱面赤口燥
心腹堅急大小便不利或口瘡或因壯熱便四支攣
掣驚仍作癇疾時發時醒醒後身熱如火者

升麻 壹兩 白薇 麻黃 去根節

柴胡 甘草 各半兩

黃芩 壹兩 朴消 大黃

鈎藤 各壹分

右剉如麻豆大每服三錢水一盞煎至七分去滓

下硝再煎化温服

六物黃芩湯治少小腹大短氣熱有進退食不安
為之不化

黃芩 大青 甘草 炙

麥門冬 石膏 各半兩 桂心 參錢

右剉如麻豆大每服三錢水一盞煎七分温服

五物人參飲治小兒天行壯熱欬嗽心腹脹滿

人參 甘草 各半兩

麥門冬 壹兩去心 生地黃 壹兩半如無只
用生乾地半兩

右剉如麻豆大每服三錢水一盞入茅根半握煎

至七分去滓溫服

治小兒八物麥門冬飲

麥門冬

參兩
去心

甘草

炙

人參

各壹分

紫苑

升麻

各貳兩

貝母

壹分半

右剉如麻豆大每服三錢水一盞入茅根半握煎至七分去滓再入竹瀝少許重煎服

棗葉飲治小兒天行五日以後熱不歇者

棗葉

半握

麻黃

半握
根斷

豉

壹合

葱白

切壹合

右件共童子小便二盞煎至一盞去滓分三服

增注類證活人書卷第二十

增注類證活人書卷第二十一

此一卷論小兒瘡疹瘡疹與傷寒相類頭疼身熱足冷脉數疑似之間只與升麻湯緣升麻湯解肌兼治瘡子已發未發皆可服但不可踈轉此為大戒傷寒身熱固不可下瘡疹發熱在表尤不可轉世人不學乃云初覺以藥利之宣其毒也誤矣又云瘡豆已出不可踈轉出得已定或膿血大盛却用踈利亦非也大抵瘡疹首尾皆不可下小兒身熱耳冷尻冷咳嗽輒用利藥即毒氣入裏殺人但與化毒湯紫草木通湯鼠粘子湯出得大盛即用

犀角地黄湯解之若瘡豆出不快煩躁不得眠者
水解散麻黃黃芩湯升麻黃芩湯活血散主之黑
瘡倒厭猪尾膏無比散龍腦膏子無不驗也若執
毒攻咽喉痛如聖湯瘡豆入眼決明散撥雲散蜜
蒙花散通聖散蛤粉散主之治瘡疹法無出此矣
升麻湯治傷寒中風頭痛增寒壯熱支體痛發熱畏
寒鼻乾不得睡兼治小兒大人瘡疹已發未發皆可
服兼治寒暄不時人多疾疫乍暖脫着及暴熱之次
忽變陰寒身體疼痛頭重如石本方四味見雜方第
十六卷中
犀角地黄湯治傷寒及溫病應發汗而不發汗內有

瘀血者及鼻衄吐血不盡內有餘瘀血面黃大便燥
者此方主消化瘀血兼治瘡疹出得太盛以此方解
之本方四味方在雜方第十八卷中

麻黃黃芩湯治小兒天行熱氣生豌豆瘡不快益煩
躁昏憤或出尚身疼熱者本方五味在小兒方第二
十卷中

升麻黃芩湯治小兒時行瘡豆出不快煩躁不服加
木香壹錢伍分本方伍味在小兒方第二十卷中

化毒湯治小兒瘡豆已出未出並皆服之

紫草嫩者

升麻

甘草炙各半兩

右剉如麻豆大以水二盞糯米五十粒煎至一盞

去滓溫服

紫草木通湯治小兒瘡疹

紫草 去蘆

木通

人參

茯苓 去皮

糯米 各等分

甘草 半之

右剉如麻豆大每服山錢七以水一盞半煎至一

盞去滓溫服

鼠粘子湯治疹豆欲出未能得透皮膚熱氣攻咽喉

眼赤心煩者

鼠粘子 肆兩炒香

杏仁 青兩各

防風 半兩

蘇合香 貳兩

右搗羅為末每服二錢沸湯點服食後臨臥送

三服大利咽膈化痰涎止嗽若春冬間常服免生

瘡癬老幼皆宜服

水解散治天行頭痛壯熱一二日兼治泡瘡未出煩

躁或出尚身體發熱

大黃

黃芩

桂心

甘草 炙

芍藥 各貳兩

麻黃 肆兩去節

右搗羅為末患者以生熟湯浴訖以煖水調下二

錢相次二服得汗利便差強實人服二方寸匕此

調風實之人三伏中宜用若去大黃即春夏通用

活血散治瘡子或出不快

用白芍藥末一錢酒調欲止痛用溫熱水調下

豬尾膏治瘡子倒厭

用小豬兒尾尖刺血一兩點入生腦子少許同研

新水調下立効

無比散治瘡疹惡候不快及黑瘡子應一切惡候

牛黃

麝香

龍腦

膩粉

各壹分
研細

朱砂

壹兩
研如粉

右為極細如有患者小兒一字太入半錢水銀少許同小續豬尾上血三兩滴新汲水少許同調服

先寧穩得睡然後取轉下如爛魚腸蒲桃穗之類

涎臭惡物便安小兒用妳汁滴尤妙

龍腦膏子治時疾發斑豆瘡及赤瘡子未透心煩狂

躁氣喘妄語或見鬼神或已發而陷伏皆宜速治不

爾毒入臟必死

生龍腦

壹錢

右細研旋滴猪心血和丸雞頭肉大每服一丸心

煩狂躁者用紫草湯化下若瘡子陷伏者用溫酒

化下少時心神便定得睡瘡疹發透依常將息也

如聖湯治小兒瘡疹毒攻咽喉腫痛

桔梗兩壹 牛蒡子兩炒壹 甘草兩生壹 麥門冬兩夫心

右為細末每服二錢沸湯點細細呷服入竹葉煎服尤妙

次明散治疹痘瘡入眼

决明子壹分 瓜蒌根半分

赤芍藥壹分 甘草壹分多

右搗羅為末每服半錢蜜水調下日進三服

撥雲散治疹痘瘡入眼及生翳

桑螵蛸真者壹兩炙令焦紙研

右搗羅為細末入射香少許令勻每服二錢生米

泔調下臨卧服之

蜜蒙花散治疹痘瘡并諸毒氣入眼

蜜蒙花壹錢半淨 青相子

决明子 車前子各半錢

右為細末用羊肝一片破開作三片摻藥令勻却合作一片以濕紙七重裹煨灰火中煨熟空心食

通聖散治疹痘瘡入眼及生翳

白菊花壹兩如無則甘菊花代之然不如白菊

菘豆皮 穀精草去根各壹兩

右搗羅為末每服用一大錢乾柿一箇生粟米泔

一盞共一處煎候米泔盡只將乾柿去核喫之不
拘時候一日可喫三枚日淺者五七日可効遠者
半月餘矣

蛤粉散治小兒瘡子入眼

穀精草

蛤粉

各等分

右為末每服一錢匕猪肝二兩許批開摻藥卷了
青竹葉裹麻縷纏定水一碗煮令熟入收口麩餅
內熏眼候温取食日作不過十日退

秣陵吳鳴鳳重校

增注類證活人書卷第二十一終

增注類證活人書卷第二十二

無閔居士李子建撰

新安師古吳勉學校

傷寒十勸

一傷寒頭疼又身熱便是陽證不可服熱藥

傷寒傳三陰三陽共六經內太陰病頭不疼身不
熱少陰病有反發熱無頭疼厥陰病有頭疼而無
發熱故知頭疼又身熱即是陽證若投熱藥必不救
傷寒當直攻毒氣不可補益

邪氣在經絡中若隨證早攻之只三四日痊安醫

者乃妄謂先須正氣却行補益使毒氣流熾致殺人
傷寒不思飲食不可服溫脾藥

傷寒不思飲食自是常事終無饑死之理如理中
圓之類亦不可輕服若陽病服之致熱氣增重或
致不救

四傷寒腹痛亦有熱證不可服溫暖藥

難經云痛爲實故仲景論腹滿時痛之證有曰
甚者加大黃夫痛甚而反加大黃意可見也
冷厥逆而腹痛者方是陰證須消息之每見
多緣腹痛便投熱藥而致殺人也

五傷寒自利當看陰陽證不可例服補暖及止瀉

自利惟身不熱手足溫者屬太陰身冷四逆者
少陰厥陰外其餘身熱下利皆是陽證當隨證
仲景法治之每見醫者多緣下利便投暖藥及止
瀉藥而殺人

六傷寒胸脇痛及腹脹滿不可妄用艾灸

常見村落間有此證無藥便用艾灸多致毒氣隨
火而熾膨脹發喘而死不知胸脇痛自屬少陽腹
膨脹自屬太陰也此外惟陰證乃可灸耳

七傷寒手足厥冷當看陰陽不可一例作陰證治有

陰厥有陽厥醫者少能分辯陽厥而投熱藥殺人
 速於用刃蓋陽病不至於極熱不能發厥仲景所
 謂熱深者厥深也熱深而更與熱藥寧復有活之
 理但看初得病而身熱至三日以後熱氣已深大
 便秘小便赤或譫語昏憤及別有熱證而反發厥
 者必是陽證也宜急用承氣湯下之若初得病身
 不熱大便不秘自引衣蓋身或下利或小便數不
 見熱證而厥逆者即是陰厥也方可用四逆湯之
 類二厥所以使人疑者緣脈皆沉然陽厥脈沉而
 滑陰厥脈沉而弱又陽厥時復指爪却溫陰厥常

冷此為可別也

八傷寒已在裏即不可輕用藥發汗

傷寒證須看表裏如發熱惡寒則是在表正氣
 汗如不惡寒反惡熱則是裏證若醫者一例發汗
 則所出之汗不是邪氣皆是真氣邪氣未除而真
 氣先涸死者多矣又半在表半在裏之證發汗
 裏之證不惟皆不可下仍亦皆不可汗但當
 而治之可也

九傷寒飲水為欲愈不可令病人恣飲過

病人大渴當與之水以消熱氣故仲景曰

欲愈人見此說遂令病人縱飲
欬逆為下利為腫為悸為水結為
矣且如病人欲飲一椀只可半椀之
為善也

傷寒初差不可過飽及勞動或食羊肉及行房事
與食諸骨汁并飲酒

病方愈脾胃尚弱食而過飽不能消化
謂之食復病方愈氣血尚虛勞動太早病亦再來
謂之勞復又傷寒食羊肉行房事並死食諸
酒者再病之也

予每念父祖俱死於傷寒乃取仲景所著深繹
八年之後始大通悟陰陽經絡病證藥性俱了然於
胸中緣比年江淮之民冒寒避寇得此疾者頗眾遂
依仲景法隨證而施之藥所活不啻數百人之功
寒本無惡證皆是妄投藥劑所致因追憶父祖之命
皆為庸醫所殺而又歎人無間於貧富貴賤於此下
能自曉則輕付一命於庸工之手也今輒撫其流
多誤有害於命者略開其說目曰傷寒十勸其言不
欲成文冀人易曉而以為深戒云

